



Број: 01/5-50-1-5-43/09

Сарајево, 14.12.2009.

Z A P I S N I K

43. sjednice Komisije za saobraćaj i komunikacije, održane 14.12.2009. godine

Sjednica je održana 14.12.2009., s početkom u 15,10 sati.

Sjednici su prisustvovali članovi Komisije: Sadik Bahtić, Branko Dokić, Šemsudin Mehmedović, Selim Bešliagić, Husein Nanić, Željko Kuzmanović, i Mehmed Suljkanović. Odsustvovali su Savo Erić i Slavko Matić.

Sjednici su još prisustvovali: Mirjana Malić, poslanik u Predstavničkom domu, Samra Filipović-Hadžiabdić, direktorica Agencije za ravnopravnost spolova u BiH, Davorin Semenik, sekretar Komisije za ostvarivanje ravnopravnosti spolova Predstavničkog doma, Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda, Medina Delalić, viši stručni saradnik u Sektoru za odnose s javnošću, Ahmed Jalovičić, sekretar Komisije za saobraćaj i komunikacije, i Aleksandar Ninković, stručni savjetnik u Komisiji za saobraćaj i komunikacije.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 42. sjednice Komisije;
2. Prijedlog Vijeća ministara BiH da se za člana Državne regulatorne komisije za električnu energiju iz Federacije BiH imenuje Mirsad Salkić;
3. Razmatranje zaključka sa 64. sjednice Predstavničkog doma Parlamentarne skupštine BiH povodom rasprave o Prijedlogu zakona o izmjenama i dopunama Zakona o Javnom radiotelevizijskom sistemu BiH, Prijedlogu zakona o izmjenama i dopunama Zakona o Javnom radiotelevizijskom servisu BiH i Prijedlogu zakona o izmjenama i dopunama Zakona o komunikacijama;
4. Tekuća pitanja:
 - a) Odgovor Regulatorne agencije za komunikacije u vezi s imenovanjem člana Upravnog odbora Javnog radio-televizijskog servisa BiH;
 - b) Obavještenje Državne regulatorne komisije za električnu energiju u vezi sa snabdijevanjem Brčko Distrikta BiH električnom energijom.

Dnevni red usvojen je jednoglasno.

Ad. 1. Usvajanje Zapisnika 42. sjednice Komisije

Zapisnik 42. sjednice usvojen je jednoglasno, bez primjedbi.

Ad. 2. Prijedlog Vijeća ministara BiH da se za člana Državne regulatorne komisije za električnu energiju iz Federacije BiH imenuje Mirsad Salkić

Komisija je jednoglasno odlučila da predloži Predstavničkom domu prihvatanje Prijedloga Vijeća ministara BiH o imenovanju Mirsada Salkića za člana Državne regulatorne komisije za električnu energiju iz Federacije BiH.

Ad. 3. Razmatranje Zaključka sa 64. sjednice Predstavničkog doma Parlamentarne skupštine BiH povodom rasprave o Prijedlogu zakona o izmjenama i dopunama Zakona o Javnom radiotelevizijskom sistemu BiH, Prijedlogu zakona o izmjenama i dopunama Zakona o Javnom radiotelevizijskom servisu BiH i Prijedlogu zakona o izmjenama i dopunama Zakona o komunikacijama

Predsjedavajući je napomenuo da Komisija već dva puta raspravlja o ovim zakonima i da Predstavnički dom nije prihvatio mišljenje Komisije o zakonima, te dao riječ predstavnici Komisije za ostvarivanje ravnopravnosti spolova Mirjani Malić, nakon čega je otvorena rasprava.

U raspravi su učestvovali članovi Komisije: Šemsudin Mehmedović, Selim Bešlagić, Branko Dokić, Mehmed Suljkanović, Željko Kuzmanović i Husein Nanić, te Samra Filipović-Hadžiabdić, direktorica Agencije za ravnopravnost spolova u BiH.

Nakon provedene rasprave, Komisija je, s tri glasa „za“, dva „protiv“ i dva „suzdržana“, usvojila sljedeće zaključke:

1. Komisija smatra da izmjenama Zakona o ravnopravnosti spolova nije moguće uskladiti sve druge zakone na državnom nivou sa Zakonom o ravnopravnosti spolova.
2. Komisija će se o Prijedlogu zakona o izmjenama i dopunama Zakona o Javnom radiotelevizijskom sistemu BiH, Prijedlogu zakona o izmjenama i dopunama Zakona o Javnom radiotelevizijskom servisu BiH i Prijedlogu zakona o izmjenama i dopunama Zakona o komunikacijama izjasniti nakon što Agencija za ravnopravnost spolova dostavi dodatna objašnjenja u vezi s navedenim izmjenama zakona.

Ad. 4. Tekuća pitanja

- a) **Odgovor Regulatorne agencije za komunikacije u vezi s imenovanjem člana Upravnog odbora odbora Javnog radio-televizijskog servisa BiH.**

Komisija je primila k znanju odgovor Regulatorne agencije za komunikacije.

b) Obavještenje Državne regulatorne komisije za električnu energiju u vezi sa snabdijevanjem Brčko Distrikta BiH električnom energijom.

Komisija je primila k znanju obavještenje Državne regulatorne komisije za električnu energiju.

Predsjedavajući je zaključio sjednicu u 16,10 sati.

SEKRETAR KOMISIJE

Ahmed Jalović

PREDSJEDAVAJUĆI KOMISIJE

dr. Branko Dokić

Dostavljeno:

▪ INDOK-u

▪

a/a